

TE AO KATOA.

“ Koia ano te aroha o te Atua ki te ao (*katoa* ara kia *hoe*) homai ana e ia tana Tama kotahi, kia kahore ai e mate a (*to ingoa*) e whakapono ana ki a ia, engari kia whiwhi ai a (*to ingoa*) ki te oranga tonutanga. ” — Hoani 3, 16. E hoa e whakapono ana ranei koe ki tenei korero, a he aha te tohu o to whakapono?

RONGOMAIMATE.

I haere etahi tamariki taane pakeha tokorua ki te pupuhi manu i tetahi roto i te Waipounamu. I te ahihi i a raua e whakawhiti ana i te roto i runga poti, ka rere tata mai etahi waana kia raua. I te kaika o te hoatutanga a tetahi i te pu a tona hoa paku tonu atu, ka tu te kaki, a mate tonu atu. I te unga atu ki uta ka whakawahaina e te mea ora te mea mate ki to raua kainga, e wha maero te tawhiti. I kite ano etahi taangata i a ia otira ki hei i aroha mai. I te taenga ki te kainga hinga tonu atu ia i te kaha rawa o tona ngenge a i ngaro katoa hoki ia i te toto. — I mate tetahi tamaiti iti e 4½ nga tau, ki Poneke, i te kainga whike. I waiho e nga matua kia moe ana. No muri ka maranga a haere ana ki te ruma, i reira te pouamu waipiro e tu ana.

Ka tapiki tona ringa, ka hanamana te wahu, ka wakabeke te korokoro, mate tonu atu. No nga matua te he ki te waiho i a raua kai ki a tu noa. He maha nga maori ki te kohuru i a ratou tamariki ki tenei kai kino. I roto ano i te kopu te tamaiti e whangai ana ki te waipiro, i te whanautanga mai ka matahaki ki nga matua e inu ana, e haurangi ana, i te pakeketanga ka whakamatau i te kai e arohaina nei e ona matua, a tona matanga kai ——— ! I Poene he taone hi ika i Ahikeroria i ngaua tetahi tamaiti e ono nga tau, e te nakahi. I a ia e oma ana i toto i te kaahi ki te puna wai ka mahiti mai te nakahi, tarawa ana ki tona ringa matau. Katahi ka puritia e ia ki tona ringa mau te mahunga o te nakahi, ka kutia e ia kia kore ai e kaha ki te ngau, ka oma ia ki tona whaea hei paiti i tauu ngarara. I tapuhia e te koka te pito o te ringa o tona tamaiti i ngaua e te nakahi, ka heroa a ruanga o te ringa hei arai i te pahua. I te taenga mai o te takata ka hoatu he rongon he whakatu-ngawiri. Kaore ano kia mohiotia tona oranga matangara ranei. He tino maia tenei tamaiti !

I haere a Rutene Haerewa, no N'Porou ki te hopu hoiho. I te maunga o tetahi ona hoiho ka panga te kaha ki tetahi a ka tau atu ki te kaki. No te rerenga atu o te ringa o Rutene ka oho te hoiho kua mau ra i tetahi pito o te taura a ka uru te ringa o Rutene ki te kaha i tetahi pito, katahi ka kahakina. I ka-

ha ano ia ki te karo i nga rakau, no te huringa o te hoiho ite whare ka akina ki te taha o te whare; e rua nga ra i takoto ai ka mate. I tino whaia tenei tangata e te mate. I whano tata ano ia ka mate i te pakarutanga o tona pu engari ko tona ringa i hachaea. — I tetahi pakeha no Mangaweka e tauraki ana i te tainamaiti ka paku taua mea, pakaru katoa tona whare a koia mate raua. — I horo tetahi rua waro i Hariwehiki, Kanata, 160 nga tangata i tapukea e 30 ano nga tupapaku kua taea — I kitea a Hami Pahiroa he tangata e tino mohiotia ana ki Wairarapa ki Taupo, e takoto ana kua mate i taka i runga hoiho. — “ I a tatou ano e ora ana kei roto tatou i te mate. ”

RONGOMAIMOANA.

Kua kitea a te Perthshire, e 54 ra i ngaro ai, i maanu haere ai te moana. E 4 ano ra hei rerenga mai mona i Poihakena ki Murihiku. No te 26 o Aperira ka rere mai i Poihakena; no te 28 ka whati te rino huri i te wira. Kaore nga initinia i whakabaua e te kapene ki te whakaora i te wira, i tatari ma tetahi tima ratou e paretu. I hutia ano nga heera, otira i te pakupaku o nga hera me te nui o te kaupuke, (e 5550 tana) kore rawa i panuku, engari i paca haeretia e te au e te hau. No te 13 o Mei ka kitea e te Whangaroa, he kaupuke hera, nana i kawe mai te korero kei te ora taua tima, i mea hoki te uingua o te tangata kua tetohu, pera me te Ohau. I pouri nga pahihia i tenei wa mo to ratou putanga ki waho o te ara o nga tima mai o Poneke. I ki ra. teni rite te ratou kaupuke ki te Aka o Noa. I te 24 o nga ra ka mahara ano ratou ki te ra whanautanga o te Kumi; i tumanako ki a whiri rangimarie atu ia ki tera ao a tona matenga. No te 25 ka kitea ratou e te Northern Chief, he kaupuke hera ano. I tenei wa no nga tima ki te rapu; kua hangai hoki a te Perthshire ki te huarahi mai o nga tima o Akarana. Ka pau nga taewa me te paraoa, ko te mihi he nui he hipi huka hoki te utanga o te kaupuke. I te 27 ka 926 maero te paenga a ka whakata-ta ki nga moutere. I te wehi kei pakaru, ka timata te mahi a nga initinia i te wira; tetahi riri kaha, he iti kau te kai me te moe. No te 7 o Hune ka kitea e te Vera Jean he kaupuke hera ano. Ka 46 nga maero te tatanga atu ki Norfolk Island, te motu o te Pinea o Meremibia, ka oti te wira te hono ka haere iti te tima. Ka 100 maero te rerenga, ite 13 o Hune ka kitea e te Talune, he tima no te Uniana, ka paretatia ki Poihakena, kaore hoki e kaha te ngoki a taua turoro. I pouri nga initinia mo te mounou o ta ratou mahi. No te 20 o Hune ka tae ki Poihakena. He nui te pohiritanga i a te Tarune raua ko tana whakaoranga. I arahina raua i whio nga tima i umere te mano o te tangata. I a te Pahia e piupuia ana e te hau e te marangai e rua ona taiawh-